

amplement descriptes par Jean Huygen de Linschote en son Itineraire, lequel est fort profitable & plaisant à lire.



ISLE DE BORNEO.

Mercator.




MERCATOR estime que l'Isle de Borneo, est celle que Ptolomée appelle l'Isle de bonne fortune. Elle est située souz l'Equinoxe, & est fort grande, comprenant en son circuit bien trois mois de chemin, & selon que quelques vns disent, le circuit de 2100. milles. Elle est abondante en toutes sortes de provisions, produit vne infinité de Champhre, d'Agarie, petites perles & diamans. Il n'y a point de bestail, ny beufs, ny asnes, il y a plusieurs haures & grandes villes, la capitale est Borneo, dont l'Isle a prins le nom, en laquelle il y a bien 25. mille maisons. Elle est située en vn maret comme Venise. Le Roy est Mahumetan, & personne ne peut parler à luy que par vn trucheman. Les Insulaires sont blanchastres, gens entenduz & de bon iugement & naturel, quoy qu'ilz soyent Idolatres ilz vont diuersement habillez.



IAVA LA GRANDE, ET PETITE.

Julius Caesar Schaliger.



IAVA la grande, est située non gueres loing de Sumatra en tirant vers l'Orient, & le Midy, comprend trois mille lieues en son circuit, & en sa longueur 570. Julius Caesar Schaliger, l'appelle vn petit monde, pour sa fertilité & richesse; Car elle produit toutes sortes de bons fruiets en abondance, & sur tout du ris, & quelques racines que les habitans appellent Ymane. On y trouue de toutes sortes de chair, laquelle est salée; & enuoyée en d'autres quartiers. Il y a vne grande quantité d'vne certaine sorte d'oyseaux, de la grandeur d'vn pigeon, qui n'ont pas de pieds, & se reposent seulement sur les arbres, on ne mange point de leur chair, mais on fait seulement estat de la peau & de la queue, on y va querir la foye és boscaiges. Il y a de bon or, & de fort bon cinure, aussi les meilleurs Smaragdes du monde, & en outre il y a force especeries. Les vents donnent de telle sorte en ces pais, qu'en aucune saison ny iour ny nuict ilz ne cessent de tempester. Les Insulaires sont en partie Maites, & en partie naturelz, lesquels demeurent au cœur du pais, & sont de petite stature, mais bien formez, & larges de visages, vont pour la plus part tout nuds, sinon quelques vns d'entr'eux qui portent de petites robes courtes de foye, qui leur pendent iusques aux genoux, vont aussi nuds testes. Entre tous les habitans des Isles Orientales sont bien les plus honestes & ciuils en leurs manieres de faire & partant aussi se vantent ilz d'estre descenduz des Chinois: Tousfois sont gens orgueilleux, discourtois, menteurs, traistres & cruelz, qui sont peu de cas de meurtre, & qui plus est, grands pirates, propres à la marine, & sont

bien